

脈義簡摩卷八

皖南建德周學海潛初甫撰輯

兒科診畧

小兒診法以望爲重書中所述五藏證治皆以備望診之法也

診額法

半歲以下。於額前髮際。以名中食三指。輕手滿按之。兒頭在左。舉右手候。在右。舉左手候。食指近髮爲上。名指近眉爲下。中指爲中。三指俱熱。外感於風。鼻塞欬嗽。三指俱冷。外感於寒。內傷飲食。發熱吐瀉。食中二指熱。主上熱下冷。名中二指熱。主夾驚。食指單熱。主胸膈氣滿。
一云邪
在太陽。名指單熱。主乳食不消。
一云邪
在太陽。見正眼。

邪在太陽。外感風寒也。邪在陽明。內傷飲食也。太陽



在後陽明在前。故內經曰。面熱者足陽明病。不熱者

無病也。

又有體倦身涼獨額常溫熱者寒溼深痼筋脈陽氣僅上達於額也。辛溫重劑開之。

診虎口法

五歲以下未可診寸關尺。但診虎口。男左女右。食指第一節寅位爲風關。脈見爲病淺。易治。第二節卯位爲氣關。脈見爲病深。難治。第三節辰位爲命關。脈見爲病危。難治多死。正眼。

凡看指紋。以大指側面從命關推入風關。切不可覆指而推。以螺紋有火。剋制肺金。紋必變色。更不可從風關推上命關。此紋愈推愈出。大損肺氣。戒之。鐵鏡

男左女右。以左陽右陰故也。然男女均有陰陽。兩手亦

當參驗。左應心、肝。右應肺、脾。於此變通消息可也。故有以左手紅紋似線者。發熱兼驚。右手紅紋似線者。脾積兼驚。三叉者。肺熱風痰夜啼。風關無脈則無病。有脈病輕。氣關病重。命關脈紋短小而色紅黃外證。又輕則無妨。若直射三關青黑外證。又重者不治。

五色紅黃紫青黑。由其病盛色能加變。如紅黃之色。紅盛作紫。紅紫之色。紫盛作青。紫青之色。青盛作黑。青黑相合。乃至純黑。黃色無形者。卽安樂脈也。淡黃隱隱若無形。亦安甯脈也。淡紅隱隱不成濃線紅形者。青爲驚。爲風。白爲疳泄。黑爲中惡。爲爲虛寒。淡紅結聚成脈形者。青爲驚。爲風。白爲疳泄。黑爲中惡。爲血死。不治。黃爲脾困。有寒有熱。肝主風。其色青。心主熱。

其色紅。脾主穀。其色黃。白者氣血不榮也。故主疳。黑者凶色也。故主血死。

驚風初得。紋出虎口。或在初關。多是紅色。傳至中關。色赤而紫。病又傳過。其色紫青。病勢深重。其色青黑。而脈紋亂者。病危不治。大抵紅者風熱輕。赤者風熱甚。紫者驚熱。青者驚積。青赤相半。驚積風熱俱有。主急驚風。青而淡紫。伸縮來去。主慢驚風。或紫系青。系黑系隱。隱相雜。似出不出。主慢脾風。三關通度。是急驚必死餘病可治。若脈紋小或短者。輕病不妨。若紋勢彎曲入裏者。病雖重而證順。猶可治。紋勢弓反出外。駸駸靠於指甲者。病斷不可回。其有三關紋如流珠碎米。二五點相連。或形

於面或形於身。危惡尤甚。又曰。曲向內者病在內。曲向外者病在外。下大上小者吉。下小上大者凶。

或青或黃。有紋如線一直者。是乳食傷脾。及發熱驚。左右一樣者。是驚與積齊發。有三條。或散。是肺生風痰。色青。是傷寒及嗽。如紅火。是瀉。有黑相兼。主下利。青多白利。紅多赤利。有紫相兼。加渴。氣虛。脈紋亂者。胃氣不和也。

凡小兒三歲以下。有病深重。危急者。虎口。指甲。口鼻。多作黑色。此脈絕神困。良醫莫治也。

既辨其色。又當察其形。長珠形。主夾積傷滯。肚腹疼痛。寒熱飲食不化。來蛇形。主中脘不和。積氣攻刺。藏府不

甯乾嘔去蛇形。主脾虛冷積泄瀉。神困多睡。弓反裏形。
主感寒熱邪氣。頭目昏重。心神驚悸倦怠。四肢梢冷。小
便赤色。弓反外形。主痰熱。精神恍惚作熱。夾驚夾食。風
癇證候。鎗形。主邪熱痰盛生風。發搐驚風。魚骨形。主驚
痰熱。水字形。主驚積熱煩躁。心神迷悶。夜啼痰盛。口噤
搐搦。針形。主心肝受熱。熱極生風。驚悸煩悶。神困不食。
痰盛搐搦。透關射指。主驚風痰熱四證。皆聚在胸膈不
散。透關射甲。主驚風惡候。受驚傳入經絡。風熱發生。十
死不治。

原注云。來蛇卽是長珠。一頭大。一頭尖。去蛇亦如此。
分上下朝。故曰來去也。角弓反張。向裏爲順。向外爲

逆鎗形直上。魚骨分開。水字乃三脈並行。針形卽過關一二粒米許。射甲命脈向外。透指命脈曲裏。雖然亦有不專執其形而投劑者。蓋但有是證。卽服是藥而亦多驗。

按皮厚則紋隱。皮薄則紋顯。血盛則色濃。血少則色淡。氣旺則血溫而色活。氣怯則血寒而色滯。此由於稟賦之強弱者也。至於病變。眾議紛紜。理未見真。法有難守。竊本內經仲景之意。而舉其概曰。赤者。血多。而爲邪熱所沸也。紫者。血壅而爲邪熱所灼也。黑者。血瘀而爲邪熱所腐也。白者。血少而氣寒也。爲盜汗。爲泄利。爲水腫。爲吐血。便血久病。青者。血滯而氣寒。

也。爲感冒。爲嘔吐。爲瘧癥。爲腹痛氣喘。飲食不化。寒水爲患。黃者。血本盛而乍衰。又爲氣壅也。爲溼熱。爲溼寒。爲熱痰。爲寒飲。爲飲食停滯。爲喘促。爲二便不利。淡紅。淡黃。若隱若見。而鮮潤者。此無病也。黃色帶而帶青黑者。此氣亂也。當腹痛不食。在新病爲寒熱相雜。在久病爲脾肺兩敗也。赤色濃而直上下者。此血沸也。衛氣陷入榮分。血爲氣所搏激。當身體脹痺。煩躁不甯也。淡紅。淡黃而散不成線者。血散也。似浪紋。皴皴者。水氣也。至於脈內。曲者。有心腹積也。脈外曲者。身有熱也。上大下小。上實下虛。上小下大。上虛下實。是又可與切脈同法矣。身有病而紋色未變者。病淺未動血分也。

關紋浮者邪在皮膚腠理不通可用疏解漸沈者病機入裏不可解散宜從陽明胃中求之濇滯者氣留食鬱中焦風熱也水形者脾肺兩傷也

鐵鏡

凡小兒形體既具經脈已全所以初脫胞胎便有脈息可辨自水鏡訣及全幼心鑑等書乃有三歲以上當候虎口三關之說其中可取者惟曰脈從風關起不至氣關者易治若連氣關者難治若侵過命關者危只此數語於危急之時亦有用辨吉凶至若紫爲風紅爲傷寒青爲驚白爲疳及青是四足驚赤是火驚黑是人驚黃是雷驚最屬無稽烏足憑耶

張景岳

紫爲風等語卽內經診血絡法望診中一大法也於

射血分之病尤爲精切雖大人不可廢也豈可詆耶青爲四足驚等語似誕然觀脈經四時得病所起篇則古法多有不可解者切脈尙爾況視絡耶大凡法今人有能用有不能用亦有可解有不可解未可任意排斥也。

診山根法

山根上有青筋直現橫現者俱肝熱也有紅筋直現斜現者心熱也黃筋現者皮色黃者不論橫直皆脾胃病也。

山根明亮病將愈也山根黑暗胃有痰飲脾陽敗也。

山根本有絡橫度但肉堅皮厚者不現而皮薄者易

現也。故俗謂青筋駕梁者易受風寒。以其皮薄也。至於診視似不能以此爲準。舊有此法。姑存備攷。

診魚絡色法

靈樞經脈曰。凡診絡脈。色青則寒。且痛。赤則有熱。胃中寒。手魚之絡多青矣。胃中有熱。魚際絡赤。其暴黑者。留久痺也。其有赤有黑有青者。寒熱氣也。其青而短者。少氣也。論疾診尺曰。魚上白肉。有青血脈者。胃中有寒。邪氣藏府病形曰。魚絡血者。手陽明病。血者。赤也。手陽明者。大腸也。

診絡色法

經有常色。而絡無常變也。心赤。肺白。肝青。脾黃。腎黑。此

經脈之色也。陰絡之色應其經。陽絡之色變無常。隨四時而行也。陽外絡也。陰內絡也。寒多則凝泣。凝泣則青黑。熱多則淖澤。淖澤則黃赤。此皆常色。謂之無病。常字對上多字言。此本常色無病者也。多五色具見者。謂之寒熱。經絡論

浮絡。其色多青則痛。多黑則痺。黃赤則熱。多白則寒。五色皆見。則寒熱也。皮部論

診血脉者。多赤多熱。多青多痛。多黑爲久痺。多赤多黑多青皆見者。寒熱身痛而色微黃。齒垢黃。爪甲上黃。目黃。黃疸也。論疾診尺篇

臂多青脈。曰脫血。平人氣象論

陽氣畜積。久留而不寫者。其血黑以濁。故血出而不射。

新飲而液滲於絡而未合和於血也。故血出而汗別焉。
其不新飲者。身中有水。久則爲腫。血絡論

右二篇卽診虎口法所從出也。此節更視刺出之血。
以決邪之虛實淺深云。

五藏苗竅部位論

舌爲心苗。鼻準與牙床及脣爲脾苗。鼻孔爲肺苗。耳與齒爲腎苗。目爲肝苗。又目分五藏。黑珠屬肝。白珠屬肺。瞳人屬腎。外眞屬大腸。內眞屬小腸。上胞屬脾。下胞屬胃。鐵鏡

原文五藏之苗。俱列各色主證。而大義不外紫熱青
風痛黃溼滯白虛寒黑病篤淡黃溼寒淡紅虛寒。故

不復一一贅錄。又舌亦分五臟。詳見後。

鼻者肺之官也。目者肝之官也。口脣者脾之官也。舌者心之官也。耳者腎之官也。故肺病者喘息鼻張。肝病者皆青。脾病者脣黃。心病者舌卷短。顴赤。腎病者顴與頤黑。五藏各有次舍。故五色見於明堂以候五藏之氣。左右上下各如其度也。五閱五使篇

錢氏曰。左頰爲肝。右頰爲肺。額上爲心。鼻上爲脾。下頰爲腎。本刺熱論。予每以兩顴相俱屬肺。而以兩眉屬肝。尤驗。

面目五色吉凶總論

以五色命藏。青爲肝。色青者其脈弦。病在肝。亦爲在脾。在肺。木侮金也。下同。赤爲心。色赤者其脈鉤。病在心。白爲肺。色白

者其脈毛病在肺。黑爲腎。色黑者其脈石病在腎。黃爲脾。色黃者其脈代病在脾。肝合筋心合脈肺合皮脾合肉腎合骨也。五色篇邪氣藏府病形篇論疾診尺篇

色味當五藏。白當肺辛。赤當心苦。青當肝酸。黃當脾甘。黑當腎鹹。故白當皮。赤當脈。青當筋。黃當肉。黑當骨。故色見青如草滋者死。黃如枳實者死。黑如饴者死。赤如衃血者死。白如枯骨者死。此五色之見死也。青如翠羽者生。赤如雞冠者生。黃如蟹腹者生。白如豕膏者生。黑如烏羽者生。此五色之見生也。生於心如以縞裹朱。生於肺如以縞裹紅。生於肝如以縞裹紺。生於脾如以縞裹栝樓實。生於腎如以縞裹紫。此五藏所生之外榮也。

色起兩眉薄澤者。病在皮脣色青黃赤白黑者。病在肌。內營氣沛然者。病在血脉目色青黃赤白黑者。病在筋。耳焦枯如受塵垢者。病在骨。靈樞衛氣失常篇

診面五色主病法

視其顏色。顏者庭也。庭者額直下正中也。
千金方注云。顏當兩目下。未是。黃赤者多熱氣。青白者少熱氣。黑色者多血少氣。所謂痺也。五音五味篇

色澤以浮謂之易已。色天不澤謂之難已。

玉機真藏論

厥逆者寒溼之起也。常候闕中。薄澤爲風。沖濁爲痺。內

又曰面腫曰風。
足脢腫曰水。

審察澤天謂之良工。沈濁爲內。浮澤爲外。黃赤爲熱。爲

風青黑爲痛。白爲寒。黃而膏潤爲膿。喻嘉言曰。膿卽痰也。赤甚者爲血。痛甚爲癰。寒甚爲皮不仁。五色篇

色青爲痛。色黑爲勞。色赤爲風。色黃者便難。色鮮明者有留飲。金匱要略

傷寒面色緣緣正赤者。陽氣拂鬱在表。汗不徹也。

傷寒面赤而潮熱譫語者。胃熱也。上爲太陽證。此爲陽明證。

傷寒戴陽面赤如微酣。或兩顴淺紅游移不定。此內虛也。必下利。必小便清白。或淡黃脈沈細。或浮數無力。按之欲散。雖煩躁發熱而渴。欲飲水却。不欲咽。肌雖大熱。而按之不熱。且兩足必冷。

又有面赤煩躁。偏舌生瘡。生刺斂縮如荔枝狀。或痰涎